

Zdravo i dobrodošli

Kada budete učestvovali u kliničkom ispitivanju, morat ćete obaviti niz aktivnosti. U ovom ispitivanju ćete za obavljanje tih aktivnosti koristiti aplikaciju MyVeeva for Patients. Te aktivnosti mogu uključivati:

- Potpisivanje obrazaca saglasnosti
- Popunjavanje anketa
- Pregled predstojećih posjeta i uključivanje u video posjete

Sve informacije koje prikupimo čuvamo kao povjerljive i mogu ih vidjeti samo članovi vašeg studijskog tima.

Našu aplikaciju za evidentiranje predstojećih posjeta i obavljenih zadataka možete koristiti 24 sata dnevno tokom cijele sedmice.

Obaveze



Upravljanje vašim studijskim aktivnostima može biti izazov, stoga smo sve što trebate učiniti objedinili na jedno mjesto. Kartica Obaveze ima tri odjeljka:

- **Danas:** Svi obrasci, ankete i posjete koje su dostupne da se obave ili za koje je rok danas. U ovom odjeljku se nalaze i opcionalne ankete koje se ispunjavaju po potrebi.
- **Sutra:** Svi obrasci, ankete i posjete koje treba obaviti sutra.
- **Predstojeće posjete:** Predstojeće video posjete ili posjete uživo.

Da vidite šta ste već obavili, odaberite **Prikaži obavljeno**.

Ne možete odabrati obavezu?



Ako ne možete odabrati obavezu, možda još nije dostupna. Pogledajte datum i vrijeme ispod naziva da vidite kada će postati dostupna.

Obavještenja



Ako ste naveli adresu e-pošte, šaljemo vam obavještenja putem e-pošte kada obaveze budu dodijeljene kao i o roku za njihovo obavljanje.

Na telefonu ili tabletu?

Preporučujemo da uključite push obavještenja da vas uređaj podsjeti kada doprije rok za obaveze.

Evo kako ih uključiti:

1. Otvorite karticu Račun.
2. Odaberite Postavke.
3. Odaberite ikonu za otvaranje  pored Obavještenja.
4. Uključite push obavještenja. Koristite postavke vašeg uređaja.

Potpišite obrasce saglasnosti

Prije nego što budete mogli učestvovati u studiji, morate potpisati barem jedan obrazac saglasnosti.



Ako je vaš studijski tim izradio elektronske obrasce, možete ih potpisati pomoću ove aplikacije. Evo kako ih možete potpisati:

1. **Otvorite karticu Obaveze** ✓.
2. **Odaberite obrazac.**

Obrazac je zaključan?



To znači da možete pregledati dokument, ali još nemate pristup za njegovo potpisivanje. Možda ćete prvo morati potpisati druge dokumente ili će vam studijski tim dati kod kada ga budete mogli potpisati.

3. **Pročitajte obrazac.**
4. **Potpišite obrazac.** Obrazac možete potpisati na jedan od sljedećih načina:
 - Kliknite ili dodirnite blok za potpis da potpišete.
 - Nacrtajte svoj potpis u polju za potpis, a zatim odaberite **Primijeni**.
5. **Pošaljite obrazac svom studijskom timu.** Odaberite **Pošalji**.

Uključite se u video posjetu



Ako je vaš studijski tim za vas zakazao video posjete, možete se uključiti u posjete s uređaja umjesto ordinacije studijskog tima.

Ako imate zakazanu video posjetu, evo kako se možete uključiti:

1. Otvorite **karticu Obaveze** ✓.
2. Odaberite video posjetu u koju se želite uključiti.
3. Odaberite **Uključi se u sastanak**.

Popunite ankete



U sklopu studije vam se mogu postaviti pitanja o kvalitetu vašeg života ili zdravlju. Te ankete možete popuniti u ovoj aplikaciji s bilo koje lokacije. Odgovori su povjerljivi i vidjet će ih samo vaš studijski tim.

Kada bude potrebno popuniti novu anketu, dobit ćete obavještenje o tome putem e-pošte ili aplikacije.

Evo kako možete popuniti anketu:

1. **Otvorite karticu Obaveze** ✓.
2. **Odaberite anketu.**
3. **Odaberite U redu.** Anketa se otvara.
4. **Odgovorite na pitanja iz ankete.** Možete prelistati prema gore da vidite pitanja na koja ste već odgovorili.
5. **Odaberite Pošalji.** Vaši odgovori na anketu se šalju studijskom timu.

Ako veće ankete započnete prije roka, možete napraviti pauzu i vratiti se kasnije da ih završite prije zadanog roka.

Ako napravite pauzu dok popunjavate anketu, kada se vratite, anketa će i dalje biti dostupna na kartici Obaveze i uz nju će biti navedena opcija **Nastavi**. Kada odaberete anketu, nastaviti ćete tamo gdje ste stali.

Trebate pomoć?



Ako imate pitanje - ne brinite! Možete zatražiti pomoć od svog studijskog tima u bilo kojem trenutku.

Odaberite dugme **Zatraži pomoć u vezi Studije** na kartici Studija.

